


www.BibleForChildren.org

Matyu 8




Te Jisago Nataniel dali te po olama, si sogo biliama,
sela sogo wabo side tama bidi me deligo Kana
bulude we sai. Te Kana bulu te Galili
tq pedai tomode elalubao.




Tama Jisas aga ida te we sabo bede bidai.
Augwaligo Jisas aga bidi dabe dali augwali i
wai, Jisas aga bidi dali augwali aselama, te
we sabo suagasomainogo, augwaligo te po wai.



Tama te bomai aḷ wain silai. Tama Jisas aga idago agabolo te po wai, “Augwaligo bomai aḷ wain meni, te sia salio,” Jisas dali aga idago te po wai. Jisas aga idago augwali te we sabo be page bidigo sẹ ebo bagebolo te po wai, “Jisasgo po me deli dage dali obaso da, teda dagego te po wali pao,” te po wai.



Tama Jisago te sę ebo bagebolo te
po wai, “Wę sigibao, e moni masigi sene
dabe paęa yao.” Tama augwaligo te
masigi sene dabe mu paęawai.



Tama Jisago augwalibolo te po wai, “Te aḷ me badu dwasianu genagide manama, tama sela pelama, te tubo nai tonalubo bidibolo magibao,” te po wai. Tama tilama, augwaligo te aḷ sela pai.



Te tubo nai tonalubo bidigo te aꞓ agai polo tula suai,
megi tama te bomai aꞓ wain pedalali aꞓ agai polo tula
suai. Tama agai konebeo,
augwaligo menade sali.

Tialima, te seꞑ bidi
augwaligo te aꞓ tuali
augwaligo koneai.

Tialima, te nai
tonalubo bidigo
te we sali bidi
agai i wai.



Tama asama, agai te bidibolo te po wali, “Tigidali bidigo da, augwaligo dwagi yai bomo aḷ wain polo dobabo dao. Tama nosali, augwali bidi dabego te aḷ hauwa tulama, tama augwaligo dobo aḷ yali aḷ te dobabo dao. Tiali goli, nago naga dwagi yai aḷ wain naga daḷ olaluama, tama megi tama nago sela asalio,” agai te po wai.



Te bomai sê Jisasgo yali bomai sê
hasia mu yai. Te Jisas agai te
Galili tō pedai badu tomode,
te dwasianu be nani nogi
Kana, tede te sê yai.





Tama Jisas aga bomo augwalibolo
ola mawai, tama Jisas aga
wali pabo bidi augwa
Jisasba homu
tigidali muai.



Tama Jisas Pitago be tomoba pobadi,
tama Pitago we aga ida gasi eyu pila
mubo suai. Aga tigi posolo gasi yai.




Tialima Jisasgo aga nogogo te wego nogo diayu, tama
te gasigo aga tagalali. Tama aga hodaluama, tama
Jisasgo nai sisi ebo se ebo gagalali.



Te be pio eyu, giliga dega sigilubode, te we
bidi augwaligo te gasi yai
we bidi dabe me, te
dwai haubo noma bidi
elalubo we bidi dabe te
augwaligo agaba selasa
asai. Tama te hanude
bidaluali we bidi
tigidali augwali
te be sunumi
paḡa sisinani.



Tama agai te gasi haniani elaluali we bidi hauwa usu ma ilili pali. Tama agai te dwai haubo noma bidi hauwa elaluali te sela sawani. Tama te se ebadi, te dwai haubo noma bagego aga Godigo Ogwa da konebaso, augwaligo tede po waidali weyu, agai augwalibolo habu selibo po bomonama wai.




Jisas agai bomogo gasi yai we bidi hauwa usu ilibaso,
mebago me Jisas agai tigi diawainu yali, augwali dwagi
yai ma emai hagede.



Tama pusubadi, augwaligo gasi yai bidi me deli agaba
selasa asai. Te bidigo nogo saḡa dili me te tigidali
mu penelai. Tama bidi me si me si augwaligo
te gasi yai bidi tolasa asai.



. . . daiba holama, tama augwaligo
te Jisas bidibo madi badu te be daj
dawali. Augwaligo te dalama,
tama augwaligo te gasi yai
bidi pila mubo bono wa dali
selama, te aiyaba
tagalaluama
mugulali.



Tama Jisasgo augwali sulama koneani,
augwaligo agaba augwa
homu tigidali muyu,
tama agaba homugo
tialubo bidi dabe
dao, te agai koneani.
Tama tibaso, agai
te gasi yai bidibolo
te po wai, “Eno
ogwa, eno nago
yali dwai sę
sela sęwanio,” wali.




Tama begelama, agai te nogo
saꝓa dili isai bidibolo
te po wali, “Eno
nagebolo obao,
nage doligulama,
tama naga pibo
somo selama,
tama naga beba
pao,” te po wali.




Jisas te gebaba holobaso, tama aga wali pabo bidi
dabe me augwali aga wali pai dao.

Tama augwali te gebadu te sigi
aj daidu pobadi, te genuai wali
mu polo tama hodaluma
pedaliyu, tama te moni wẹ
dini asobogo te geba haluainogo
yai. Tiali goli Jisas aga
da te gebade godege
pila mudai dao.



Tama agai augwalibolo te po wali, “Magi baso dage wi ebawe? Dagego homugo enade konealu po daꞑ wabo te dwasianu naga dao.” Tama aga hodaluama, te wali dali te moni wẹ dini te sia sao po wai. Tama te wali yali sia siyu, tama te wẹ memenege dwasianu me ebeo. Tama augwali moni noma siyu, tama augwaligo te po wali, “E bidi da, aga te mena

tiwai bidi weyu, tama te wali de te wẹ sigo agai po odali dawe?” augwa hasi te po hanalu wai dao.



God aga Ogwa deli digi mu bidibao.
Tialima Godigo e tɔde bidibo we bidi
godolo mu eyu, tama augwali tau
somainogo eyu, God agai Ogwa
te e tɔba tagala palali.



Tama tiali da, tɔde we bidi augwa
homu agaba mubaso da, augwali
hagaidali weyu, augwali dwagi
yai bidabo bomo selama, bidada
peyu, bidada pomainogo,
Godigo te sɛ yai.



Rom 3:23 Magi baso meni. Da tigidali bidi dago dwai
sę yai dao, tama da tigidali te Godigo wiegi yai usu
niba kadu wabo usu menio.

Rom 6:23 Magi baso meni. Te dwai sęgo te aga sę ebo
bidi augwalibolo te pe mabo dao. Te mabo pe te isibo sę
naga dao, augwali te God dali dagalama tama aga dali
bidada peyu bidada pogobeo. Tiali goli te da te ula sabo
dolo meni yai goli, Godigo dabolo te wiegi yai olo mabo
kolesaga eyu, te sesemane sogo bidibo ula mawaibao, te
da te dago Genuai Bidi Krais Jisas dali wadolali we bidi
dabolo agai te ula olo naga mawaibao.

Hibru 9:27 Tama te tigidali we bidi dabe augwali deli deli
te deli sogo naga isaibao, te isabo sogo sa muani, tama
nosali te augwali Godigo augwali po
tų ebo madiba pedalaibao.



Efesus 2:8,9 Tama tiyu, Godigo da olo tau sabo kolesaga naga tego dage tau selama, dage Satango nogode ma sali dao. Tama dagego te Krai hagede te konealubo po duga homu daꝓ olama, tama God agai dage tau siyu ma sali dao. Te dagego bomogo me ebeo. Te menio. Te God agai dage olo tau sai dao. Niwai bidi aga digi bomogo te wiegi yai kolesaga eyu, aga digi nogi ugwaba sidali weyu, tama Godigo da olo tau sai dao.

Rom 10:9,10 Tama nago po hanilama pusuyu Jisas aga te Genuai Bidi da po olama, tama nago naga homude te Godigo aga te gu pagede ma hodolali seꝓe konealubo po daꝓ weyu da, teda Godigo nage ma dobola saibao.



Magi baso meni, te dago homugo te konealubo po daꝯ obaso, tama Godigo da doloba pai we bidi nogi poaibao. Tama dago pedauwalidu te dena konealubo po we bidi gesabide pusubaso, tama te Godigo da ma saibao.

Jon 3:16,17 God aga Ogwa deli digi mu bidibao. Tialima Godigo e tꝯde bidibo we bidi godolo mu eyu, tama augwali tau somainogo eyu, God agai Ogwa te e tꝯba tagala palali. Tama tiali da, tꝯde we bidi augwa homu agaba mubaso da, augwali hagaidali weyu, augwali dwagi yai bidabo bomo selama, bidada peyu, bidada pomainogo, Godigo te sꝯ yai. Godigo aga Ogwa e tꝯba tagala palali te e tꝯde we bidi po tꝯ dodolomainogo me tagala palobeo. Te menio. God aga Ogwa tagala palali da, te da tꝯde we bidi ma dobola sagasomainogo yai.



1 Jon 5:11-13 Tama Godigo aga Ogwade wali po e dao:
God agai da sesemane sogo bidada peyu, bidada pabo
bidibo ula mawai dao, tama te bidabo ula page aga
Ogwa Jisasde elalubo dao. Bidigo Godigo Ogwa dali kẹa
pali bidi, aga dali te bidibo ula elalubo dao. Tama bidigo
Godigo Ogwa dali kẹa pisawani bidi, aga dali te bidibo
ula elalubeo. Te dagego Godigo Ogwago nogide
konealubo po daɣ weyu agaba tiɣlubo we bidi, te dagego
te dwagi yai bidada peyu bidada pabo ula elalubo
konemainogo eyu, eno e po dagebolo asena tolobao.



Matyu 8-9; Mak 1-2, 4; Luk 4, 8; Jon 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Dadibi Bible (mps) © 2002, Wycliffe Bible Translators, Inc.
All rights reserved.

<https://live.bible.is/bible/MPSTBL/GEN/1>

©2026 Bible for Children, Inc.

www.M1914.org

www.bibleforchildren.org

